


Die form der langen massen oder wehr.

XIIII




XIIII

Diweil aber die massen in gestalt/nach mancherley vnderscheidt 8 gänge/vngleich seindt/so wirdt es von nöten sein/das ich von jnen mitt sampt ihrer abmessung weittleuffiger rede. Derhalbenn so ein gang in die tieffe fallt/so ist die fundtgrüb auß dreien wehren / das ist sie hatt nach der lenge 42. lachter/nach der breite 7. welche zalen in sich multipliciert/machendt 294. lachter/vnnd mitt disem kreiß/beschleußt der Bergkmeister die gerechtigkeit des herzen der fundtgrübenn.

Die form der massen einer fundtgrüben.

XLII




XLII

Aber der anderen massen einer jettlichen grüben/ auß welchem teil der fundtgrübē/ oder welche nach 8 zal sie seye/ das ist eb sie die nächste/ oder andere / od dritte maß/ oder die hernach folget/ der fundtgrüben seye / so wirt sy auß zweie gangen wehren gmacher/ derhalbenn hatt sie nach der lenge 28. lachter/nach der breite 7. lachter/ die lachter aber der lenge mitt den lachtern der breite/multipliciert/machendt 196. lachter / welche mitt seim vmbfang die massenn begreiffet/vnnd mitt disen zilen beschreibet der Bergkmeister die gerechtigkeit des herzen/ oder mittgwerck schafft einer jettlichen grüben.

Die form der grüben massen.

XXVIII



XXVIII

Aber das teil eines gangs so erstmalen erfunden/ getroffen wirt/ nennende wyr die fundtgrüben / das von der selbigen auch die andere zehen herkumen/ wie die Spanaderen auß dē haupt/ vnd das der Bergkmeister dahär sein messung oder marscheidung anfecht. Von dessen wegen gibt er der fundtgrübenn zu grössere massen/ dan anderen grübenn/ das er erstmalen disem so den gang erfunden billichen/ danck beweise/ vnnd darnach andere Bergkleut zum fleiß gang auß zerichten/reize. Diweyl aber der zehen massen gar oft/ sich bis zu ein regenbach/ od bach od fluß erstreckendt/ so wirt die letste/ welche nicht mag vollbracht werden/ ein überschar genandt. Wan sichs aber auff ein gang wehr erstreckt/ so gibt 8 Bergmeister dem selbigē die lehen/ der sie erstmalē gmütter hatt: so sich aber die lehe/ nicht auff ein gang wehr zeuhet/ so reyller er dasselbig auff

auff